

U G O V O R O KUPOPRODAJI KANCELARIJSKOG MATERIJALA

Zaključen u Sarajevu, između ugovornih strana:

AGENCIJA ZA RAD I ZAPOŠLJAVANJE BOSNE I HERCEGOVINE, ul. Đoke Mazalića 3/1, 71000 Sarajevo, koju zastupa direktor, mr. Muamer Bandić (u daljem tekstu: Kupac), i "Exclusive" d.o.o. Zenica, ul. Armije BiH br.6., koje zastupa direktor Muhamed Čeliković (u daljem tekstu: Prodavac).

Predmet ugovora:

Član 1.

Predmet ovog ugovora je kupoprodaja kancelarijskog materijala za potrebe Kupca za budžetsku 2021. godinu.

Član 2.

Kupac i Prodavac su saglasni da ovaj ugovor realizuju prema definisanim uslovima u postupku javne nabavke putem direktnog sporazuma, prema ponudi Prodavca, broj:15/04-2021 od 15.04.2021. godine.

Specifikacija kancelarijskog materijala je sastavni dio ovog ugovora.

Cijena:

Član 3.

Ugovorena cijena robe iz člana 1. ovog ugovora iznosi 1.546,69 KM, bez uključenog PDV-a, odnosno 1.809,63 KM, sa uključenim PDV-om.

Način isporuke robe:

Član 4.

Prodavac se obavezuje da će u skladu sa članom 2. ovog ugovora isporučiti robu Kupcu, na adresu Kupca (fco Kupac).

Prodavac se obavezuje dostaviti Kupcu robu, u skladu sa tenderskom dokumentacijom, u traženim količinama, najkasnije u roku od 7 dana od dana potpisivanja ugovora.

Član 5.

Kvantitativni prijem robe će se obaviti prilikom isporuke Kupcu, od strane Komisije formirane od strane Kupca.

Način plaćanja:

Član 6.

Plaćanje fakture za isporučenu robu, Kupac će izvršiti u roku od 30 dana od uredno izvršene isporuke i prijema fakture, na račun prodavca 1610000037160032 kod Raiffeisen bank, Sarajevo.

Garancija:

Član 7.

Prodavac garantuje da je isporučena roba na osnovu ovog ugovora nova, u skladu sa specificiranim standardima i zahtjevima i da nema nedostataka koji onemogućuju ili umanjuju njenu vrijednost ili

redovnu upotrebu. Prodavac garantuje funkcionalne osobine robe u skladu i u okvirima zadanim u specifikaciji pod specificiranim normalnim uslovima upotrebe.

Završne odredbe:

Član 8.

Ovaj ugovor se primjenjuje od dana potpisivanja, u budžetskoj 2021. godini.

Član 9.

Prodavac nema pravo da zapošljava, u svrhu izvršenja ugovora o javnoj nabavci, lica koja su učestvovala u pripremi tenderske dokumentacije ili su bila u svojstvu člana ili eksperta Komisije za nabavke, najmanje šest mjeseci po zaključenju ovog ugovora.

Član 10.

Obje ugovorne strane su saglasne da će se pridržavati zakonskih propisa, da će čuvati poslovnu tajnu i pridržavati se poslovnih običaja.

Član 11.

Eventualne sporove nastale pri realizaciji ovog ugovora, ugovorne strane će nastojati riješiti sporazumno, a ukoliko to nije moguće nadležan je Sud Bosne i Hercegovine.

Član 12.

Ovaj ugovor je sačinjen u 4 (četiri) istovjetna primjerka, od kojih po 2 (dva) zadržava svaka od ugovornih strana.

Kupac:
**Agencija za rad i zapošljavanje
Bosne i Hercegovine**

Direktor
Muamer Bandić
mr. Muamer Bandić

Broj: 04-16-7-14-14/21
Sarajevo: 20.04.2021.

Prodavac:
“Exclusive” d.o.o Zenica

Direktor,

Muhammed Čeliković
Muhammed Čeliković

Broj: 124/2021
Sarajevo: 22.04.'21.

